

呈

呈

丙子新秋

徐太史家書

林熙恩署檢

● 印新機皮橡筆遺子道吳朝唐 ●

士大音觀海過色五

● 角二洋售祇編每軸立長寸十五裱精 ●

觀音起信編

是書係寒世子編輯。首列聖像數幀。中刊經文多篇。後附靈感記百數則。五色封面。光彩奪目。為近代出版之唯一起信本。每冊定價一角。寄費外加。

觀音法要

是書係成都溫光熹先生著。總綱四章。分科極多。有條不紊。先後交輝。實了生脫死整個修行之正法眼藏。每冊定價一角。寄費外加。

關帝靈感錄


是書選自徐太史編纂之關帝闡化編。實為唯一之起信善本。凡崇拜關帝者。不可不手此一卷。以堅信心。每冊定價一角。寄費外加。

物猶如此

是書係廣豐徐太史編纂。內分十四卷。一以物類之美德。反比人類。實則於五倫八德之義。包括無遺。全部二冊。都十餘萬言。每部實價角半。加送徐太史家書一冊。寄費外加。

● 廉從別特購多加外費寄分五價定冊每書家史太徐 ●

徐太史真容



徐太史家書每冊定價五分上海霞飛路德書局出版

徐太史家書序

廣豐徐白舫太史。有清道學名家也。生平愛編刊善籍。以惠夫世。計其所編刊者。大部小冊。凡六十餘種。誠亙古以來。集善書之大成者也。民國甲戌春。不慧矢願編纂古今善書大辭典。爰登徵求善書啓事於海上。慈善報章。各方善士。見而以善書相贈助者。日有所接。而太史之族裔徐祖禮先生。亦贈書相助。披閱其間。多係太史所編刊。於是寄聲於祖禮先生。請其將太史傳略抄錄寄來。以資編表。嗣接奉傳稿。卽編於德藝叢刊第二組。而祖禮先生之同鄉鄭書明林秋湘二君。亦贈書供考。投稿充篇。泰半爲太史之遺著。邇者祖禮先生又將太史生平之書札抄錄一束。託郵寄來。請予編爲單行本。印刷流通。予薰沐讀之。覺其連篇累牘。皆至理名言。亟宜編纂。以公同好。於是繕訂紙冊。依次編校。因其稿十分之八。爲示後輩之言。乃名之曰家書。而不署之爲尺牘。並將傳略附錄於後。卽函請上海道德書局排印。並將遺像冠於簡端。俾世人讀之。得整個之認識。而動思齊之念焉。至所編刊六十餘種之善籍。現廣豐列位善士。從事整理。行將次第出版。同志欲窺全豹乎。請拭目俟之。此不過一鱗一爪。而爲之先導耳。民國丙子初度榴月望日商南愛竹天民賀信筠箭村謹識

徐太史白舫老夫子傳

豐谿徐先生諱謙字白舫號益卿浮梁鄧厚菴師之高弟也自幼端重
 性孝友讀書甚靈慧負文名詩尤瀟灑拔塵有悟境所著悟雪樓集論者謂得
 唐賢三昧獨領詩心於絃指無聲之表云初應童子試邑令鯤池陳公異其才
 決爲玉堂中人預書太史第匾額以贈嘉慶辛未捷南宮果入詞林散館改吏
 部文選清吏司主事官京華十餘稔道光甲申奉諱家居時年四十九以母老
 故遂不出山主講白鹿洞書院八年課士法宗朱子先道德而後文章肄業諸
 生感其訓誨之誠人人敦品勵行士風爲之丕振誠不啻朱子講學時也此外
 歷掌鵝湖昌黎興魯豐谿諸講席教育生徒如在鹿洞學者翕然從風而先生
 躬自脩省益勿懈昌江鄧師倡講奉聖之學先生慨然興慕道光戊戌乃十里
 命駕親至浮梁請業是時年且六十三矣自以桑榆遲暮聞道已晚不辭跋涉
 風塵往謁數次親炙休元久而心心相印得益愈深鄧師數十年悲憫苦心闡
 明性學遂賴先生以傳向曾聞李友碧山彙刊鄧師語錄三十六本梓以行世
 又慮卷帖浩繁閱者茫無指歸暮年更精心詳較擇其尤要者約編十二卷曰

性學述筆貫珠。蓋先生自戊戌後二十餘年。一瓣心香。無日不確遵師訓。以此自淑。卽以此教人。癸亥冬。殿謁先生於四香草堂。蒙面命曰。奉聖奉親。奉聖奉心。此當日鄧師教也。道不越倫常日用。至平淡功夫。全在克己二字。至聖訓顏子以四勿。朱子謂是傳授心法切要之言。學者所宜深玩。奉聖之真門徑。如是而已。維時先生年已八十有八。鶴髮童顏。正襟危坐。談論竟日。無倦容。每稱人善。雖細行亦眉飛色舞。再三歡歎。自謂不可及。論至目前偷薄風俗。則潄潄然涕淚交下。不忍盡言。此蓋真性真情流露于不自知者。先生素甘淡薄。家貧不以爲慮。時舉東平爲善最樂之言。教誡子孫。雖被飢驅出門。客粵東三年。客江南二年。客楚北數年。又客吾南浦。與浙之東西。湖海關山。往來逾萬里。而孳孳爲善。與勸人孳孳爲善之念。未嘗一日去諸懷。芸窗雪案。丹鉛刻不離手。取因果報應書之。易感人者。纂輯成編。計前後所刊善籍。六十餘種。吾鄉沈幼丹中丞。謂輯善籍者代不乏人。而搜羅之廣。採擇之精。縹緗簡冊之富。則維先生集其大成。信如言也。然先生寸心耿耿。非藉以博好善虛名。嘗曰。僕生平酷好善籍。拳拳不能自己者。誠以善籍流通。俾閱者觸目驚心。身體力行。勉爲善之實。而不致流於不善之歸。庶幾世間多一善人。卽世間少一惡人。或可稍爲弭劫。

之一助云爾。於虜世之知先生者蓋寡。讀其書亦可想見其爲人矣。殿受業最晚。艸堂晤對。未及一旬。匆匆拜別。遂成永訣。追念臨行時。承囑認真努力。乃自回命以來。忽忽四更寒暑。故我依然。深負提撕。欲如曩日之親絳帳。坐春風。而已不可再得。恨何如也。又聞先生於彌留際。大聲三嘆曰。天心非不仁愛。其如衆生不回頭。何噫。斯言也。是先生數十年默體鄧師悲憫之苦心。因默喻上蒼悲憫之苦心。萬不得已而發然者。然則先生雖長往。而一腔熱血。愷惻慈祥。其猶鬱蟠斯世也夫。浦城孟殿榮謹識



徐太史
編纂

戒殺弭劫編

每部實價貳角

寄費
外加

徐太史編 藥物猶如此錄登

全部都十萬言 包羅萬象 洵稱善書大觀
現分三四五號 三種鉛字排印定價均不同

畢再遇

畢再遇。兗州將家也。開禧中累戰有功。金人認其
旗幟。即避之。後居於霽。有戰馬號黑大虫。駿
異。常獨再遇能御之。再遇死。其家以鐵絙羈
圍中。會嶽祠迎神。聞金鼓聲。意為赴敵。仰嘶奮
迅。斷絙而出。其家慮傷人。命健卒十人。挽之
而歸。好言誠曰。將軍已死。汝莫生事累我家。
馬聳耳以聽。汪然出涕。暗啞長鳴而斃。詩曰。
烏騅伏櫪失重瞳。百戰沙場翊大功。熱血滿腔何
處灑。仰天一慟颯靈風。

牛鬪虎

天長縣民戴某。朝出。其妻牧牛於野。犬隨之。
俄入草莽不出。戴妻牽牛尋之。未百步。見虎據
而食之。虎見人空。棄犬而搏人。牛見主人有難
。忿然而前。虎乃釋人而應牛。互相鬥。不逾時
。虎負牛勝。而人遂免難。牧監奏聞朝廷。賜一牛以
代耕。前牛待其自終。詩曰。乳虎懷中氣食牛。未聞
牛鬥虎低頭。呼聲一動千山應。風籟簫簫白日秋。

隴山鸚鵡

明皇宮中。養鸚鵡數百。一日問之。曰。思鄉否。
對曰。思鄉。遂遣中貴送還山中。後數年。有使
臣過隴山。鸚鵡問上皇安否。使臣曰。上皇賓天矣。
荒。鸚鵡皆悲鳴不已。使臣賦詩曰。隴口山深草木
頭。說上皇。詩曰。聲聲頻問上皇安。曾記深宮帶

笑看。隴水不流助嗚咽。鼎湖夢斷路漫漫。

定南公

明廣西有象。封定南公。吳三桂日橫。欲將象解
京。象昂首直觸。象奴百計勸勉。終不服。三桂
大怒。刀矢不能傷。象以火炮攻斃之。詩曰。粉骨
飛灰不顧身。象奴苦勸象彌噴。赤心只有蒼天鑒

王仁裕

王仁裕。嘗從事漢中。有採捕者獻猿兒焉。
憐其小而黠。名曰野賓。呼之。後壯盛。麋
絜稍懈。逢人必嚙。縱鞭箠亦不畏。於是題詩紅
綯繫於頸。巫峽堪憐。靜路復故林。舊來行處好
追尋。月明巫峽。應憐。碧雲心。三秋果熟。棲宿
免勞青嶂夢。躋攀。應憐。碧雲心。三秋果熟。棲宿
不任抱高枝。徹曉吟。使人送入孤雲。兩角山。縱
不復來矣。後罷職入蜀。行次。峽前。有巨猿捨
。羣而前。於道。古木間。垂身下。願。紅。宛在
。從者指之曰。於道。古木間。垂身下。願。紅。宛在
。山路。尚聞。嗚咽。聲。遂繼吟。曰。峽前。有巨猿捨
。是此猿。連臂。宿。嶺。漸來。仔。細。窺。行。客。認。得。依。滄
。聲。野。賓。和。雲。月。宿。嶺。漸。來。仔。細。窺。行。客。認。得。依。滄
。合。聚。散。悲。喜。交。感。是。前。年。舊。主。人。李。斯。義。曰。離
。讀。此。令。人。惜。別。如。讀。江。體。送。別。孤。雲。兩。角。山。多。矣。
。二。詩。纏。綿。婉。約。就。如。讀。江。體。送。別。孤。雲。兩。角。山。多。矣。
。重。逢。各。含。淚。餘。聲。猶。繞。亂。峯。間。

徐太史家書

陝西商南賀信筠箭邨編校

寄弟輩書一

同懷兄益卿。致訊二弟三弟四弟及蘭蓀等文席。兄於十三日起身。至二十五日方抵省。因洞口灘水小。未到饒州。月川撫憲已升工部左侍郎。業已投帖辭行。阿明府仍在南昌。二十八日午邊。另僱湖源船。趨赴南康。大約平風靜浪。兩日即可到。幸無外客附載。更可養靜。在外一切。自審鄭重。不敢上勞老母慈念。並諸弟遠存。寸心耿耿。此實離侍膝下時刻在抱。惟有早夕心香禮佛。遙祝康強耳。家中一切及外間事。萬冀吾弟小心慎重。耐煩處置。凡事須能吃虧。苦境或有回甘之日。內眷人衆。更須善於撫馭。切忌性躁。爲囑爲望。

寄弟輩書二

六月十八日。廣州府城客館。兄謙手泐。寄知二弟三弟四弟。並示兒輩。此訊到。可代稟請母親大人慈安。二叔父大人。二叔母。三叔母大人近安。客外幸俱清吉。家中長幼。不煩罣念。惟是游子他鄉。出門半載。仰事俯畜。撫心兩疚。薪米拮据。若何支持。知吾弟必有以代遠人善謀者。今年科場。吾家似有發達之機。大

家努力。勉承先德爲望。三弟及祖培芝蓀。舉業近詣進否。槐等學業有成否。切切繫念。勿蹉跎過日子。流于自棄。後悔何追也。愚返棹旋里。大約九月之杪。到省定知吾家喜信。偷叨先蔭。得綴蕊榜之尾。則幸甚。諸自知珍重。不必縈懷。伏念吾母耄及。刻刻難安。遠冀小輩細心奉養。爲切切耳。非敢浪遊遲返。實有不能鼓棹之勢。流行坎止。任天順運而已。何敢稍存怨尤哉。蕊榜捷報錄刻行否。尤念念地隔梅嶺。寄信殊難。滿懷心緒。片紙難宣。臨楮神馳。統惟學好保重。

示長兒蘭蓀一

四月廿九日。父筆示長兒輩知之。廿一日早。柑來書院。喜聞祖母老大人病體痊可。又欣汝母疾已全愈。此皆仰荷聖慈垂憐。惟有各自力善。報鴻恩于萬一。當卽炷香叩謝矣。但念吾母衰老。囑二娘朝夕侍奉。甘旨勿缺。爲要。汝等可婉勸祖母。諸凡不必代兒孫憂悶。萬事皆聽天命主持。窮通順逆。隨其數之適然。吾家世守清白。凍死則凍死。餓死則餓死。斷不敢敗廉苟活。玷辱先人。此遊子平日兢兢自矢。思所以報慰母心於百里外者。並白汝母。萬勿以困窮故。憂鬱在心。須知人生在世。一切空幻。惟多做善事。身後實有受用。吾老矣。只是勉力行善。非故欲爲兒孫後日計。必如是而天理始得。吾心始安也。呵呵。得過且過。

世間不如我的儘多。早晚一爐香。但保吾母平安。吃一盂粥亦快活。寫至此。不覺發一大呵呵也。

示次兒茗蓀一

父字示祖培知之。予客次平安。不須慮。但厚期兒輩讀書上進。揚令名做好人耳。汝文字前入行。常欠緊鍊。欠精彩。此處不奪目。縱後幅步步入勝。終不免東置落卷中。其緊鍊精彩。並非板滯犯實。必須識踞本位之先。法善賓主之用。細擇近科好墨。領會消息。自然得心應手。總之。必售之作。場裏要新警不羣。新警在有書有筆。場前多讀多做。方臻此詣。否則筋弛脉懈。土飯塵羹。人云亦云。烏能於千萬卷中奪試官之目耶。而所以操必中之券者。不在文字之工。而在陰德之厚。色慾一途。尤爲士子科名得失之第一關。切記切記。古今多少英俊。操必中之技。而憔悴青衫。白首無成者。皆陷於此。當局者時不自知耳。事涉閨房。切不可於羣居談笑時。隨聲附和。此最傷陰德。削己名壽。汝曹當時銘父訓。將來總有好處。今歲科場。努志爲汝父掙力。以回敗局。負債如山。人情似水。倉無儋石之儲。家有卅口之衆。栖身何所。仰面何求。若因循再負衰親之望。則不孝滋深矣。現不知有館否。如已授徒。則必勤教人家子弟。勉爲孝子悌弟。不徒草

草咕嗶。遂謂了事也。家中善視祖母與汝母。小心養志。勿觸其怒。至囑弟姪輩。更望代父訓迪。勿躁勿倦。則三千里外。苦心稍慰。更戒多飲保身。外事切勿與。以避禍也。餘不及筆。

□示茗蓀二

爾曹既已赴試。不必以家事介意。分銳取之心。功名得失固有命。不可妄存行險僥倖之私。然大陰功。實可默挽造化。大罪惡。實可立削科名。赫赫青簡。不俟贅言。陰功固須有錢財。人能辦。貧士亦可爲。只猛具一副好肚腸。陡提一副好精神。真真切切。不做不休。柔軟輩不能也。邪色一關。防閑尤要喫緊。全人名節。保己身軀。是卽陰功一大端。反此便爲大罪惡。文士穢行。不是潦到青衫。便是早頽玉樹。世人忽者多矣。兒曹須念一脉書香。皆祖先數世積德而來。積之甚難。斬之則甚易。時時凜心。處處安命。克體此語。便是孝子。便是蟾宮路上人。狀元宰相。不在外求。求之暗室中一點心苗而已。

□示茗蓀三

乃父今逾花甲有二矣。筋力百不逮前。兒等須及時力學圖進。休再因循。功名之事。雖遲速分定。人事亦不可廢。陰德濟人。諸方便事。更須刻刻留心。力能爲

處。理當爲處。當卽着實行之。勿逐虛聲。勿希厚報。更勿斤斤以貧士諉謝。凡一矢口全人骨肉。一舉念盡我慈悲。莫非陰德。士大夫苟存心愛物。於人必有所濟。體味斯語。各人胸中都有一團生意。吾兒可了。然知所從事矣。濟人賴有此心。自濟亦必由此心。然本末兼骸。亦未可以空疎無具。僥倖而獲。課餘於制藝。試帖書法。並宜摩鍊。鈍熟。去取聽之。有司。功修操之。在我。荒功廢業。斷未有能成名者。縱或朱衣誤點。必爲識者鄙棄。得亦何榮。汝父壯歲濫竊科名。學問文章。百不逮人。而忠孝二字。難對君親。自顧頭銜。深愧無限。憶四十年來。從故紙堆中。目濡心染。似於東平爲善最樂一言。微有得益。謬集各種善籍。用以自勉。勉人。豈敢邀功。但求寡過。然每誦欲寡過而未能。見其過而內自訟。不覺汗與淚俱從心頭流出。藐爾一軀。求免懷慚抱疚。其難也如此。兒輩急須趁此英年。立志以第一等人物自期。力向上去。庶不墮落汗下。此身可望有成。勉之。毋負老人厚望也。

示三兒芝蓀一

父筆示芝蓀知之。汝體夙孱弱。汝弟蕙蓀病目。常罨遠懷。汝兩母俱有病在身。當時時留意。延治勿遲。晨夕代余照應祖母。并知汝母加意甘旨。切切。在家讀

書。勉力治經爲本。一生受用不盡。舉業有書味溢胸。自然膏飫光華。不同膚廓。墨卷不過領其意味。中其數率而已。科試不知有科舉否。下年秋闈須去。盡人聽天。不必存僥倖想。早達固慰親心。不達亦可老其才。汝素秉善根。果能實心行功過格。破色慾關。勵志經傳。勿躁勿懈。自然上契帝簡。令聞紛葩。在家則爲孝子賢孫。筮仕則爲循吏名臣。莫作無益於世之書癡已也。總之保身第一。保身卽立名之基。須記須記。蕙蓀及槐等。須體余心善誘。勿荒廢。餘惟善體不贅。

示芝蓀二

七月十九日。父筆示芝蓀。倘附錄遺之列。好好偕汝兄入闈。場前宜就寓內靜坐調養。勿昏惰神氣。勿出外遊觀。勿紛馳酬應。更須節飲食。寡思慮。慎言語。以求神定氣清。平日爲學功夫。必皆如此。茲特將以科舉臨場一事言之耳。試期既迫。卽不必翻閱書史。雜亂心目。每日止默看文字一二篇。胸中若有所得。勿便驕矜自滿。益加醞釀含蓄。則一片真機樂趣。時涵養於方寸。入場文思文情。便蓬勃如春氣矣。作文先須大開心目。見得題意大概了。卽放膽下筆。詞氣自然條暢。切勿以得失橫在心胸。令人氣餒志分。然三載眼穿。只決數日。雖曰天命。人事交資。卷內平仄擡寫。一切功令。不可草草誤事。卽烟火油墨。亦須小

心謹慎。倘未獲錄遺。正好閉戶加功。切勿效輕薄子。妄自怨誅。總之科名大事。不可倖邀。除却積累陰隲。多讀多做。更無終南捷徑。吾家近日不似從前。看來多半敗機。厚望佳子弟。努力向上一層。功名不必十分焦念。只穩踏善路。定有好處。得失遲早。任運而已。萬勿悠忽。自誤終身。切囑。

□示芝蓀三

鶴翁筆示芝兒。接汝信。知小兒已殤。爲之傷痛。諦思死生有命。渠自命薄。無可奈何。抑或來討汝債。債完即去。在達觀者。看破如浮泡聚散耳。不必枯西河之淚。以重老年人之戚戚也。汝母老矣。囑其善自調養。勿爲小孩輩過於傷慟。切切。是吾家兒必不亡。不是吾家兒。縱能暫存亦必亡。大丈夫頂天立地。尙有多少責任在。切勿效兒女情態。反耽誤大事也。汝慧根過我。快快重磨心鏡。不努力。終無結果。此囑。

□示芝蓀四

摩詰云。七十老翁何所求。矧皤皤年垂八十。尙癡想作富翁乎。前囑一切。意不過爲贖先人敝廬。不得已綢繆未雨耳。事有緣定。強求無益。利之所在。害即伏焉。千古只有喻利之小人。斷無懷居之君子。貧字一關。若打破。心必爲境所

擾。始則憂患心生。繼則怨尤心起。終則機械變詐之心。無所不至。遂喪盡所守。不復知有廉恥。世固有始爲君子。而卒流於小人者。非無學也。貧累之也。實非貧足以累也。由其心之不能耐貧。安貧。漸以致之也。處貧無以自立。卽處富貴。亦未必能安其心。張貞生學士云。天下惟看破生死底人。方不爲生死所奪。予亦謂天下惟不憂貧底人。方可以貧。方可以不貧。貧賤憂戚。玉汝於成。古來英杰學問。鮮有不從盤根錯節來者。視夫備嘗險阻。遍歷艱辛。復加以刀鋸鼎鑊。而完其志節之孝子忠臣。則區區一個貧字。尙屬人間大清福。究彼之志節。所以百折不磨者。總由平日能耐貧安貧始。孫奇逢先生嘗云。予五十年。始識得一貧字。爲人百歲。只爲子。學道終身。總學貧。定力原從貧處得。猿啼鬼嘯也成鄰。此先生句也。前明吾鄉吳康齋先生。家貧甚。慨然有志於道。居鄉躬耕食力。弟子從遊者衆。中雨披簑笠。負耒耜。與諸生講學。歸則解犁飯糲蔬豆共餐。陳白沙自廣來學。晨光纔辨。先生手自簸穀。白沙未起。先生大聲曰。秀才懶惰。他日何從到伊川門下。又何從到孟子門下。一日刈禾。鎌傷厥指。先生負痛曰。何可爲物所勝。竟刈如初。十一月單衾徹夜。寒甚腹痛。以夏布帳加覆。略無厭貧之意。有句云。澹如秋水貧中味。和似春風靜後功。又云。請看風急天寒夜。誰是

當門定脚人。讀此可知先生一邊處困。一邊進學。由有定識定力。早能打透此關也。羅念菴先生臨終時。子世光適赴省試。家人問何言。答曰。兒歸但語以莫厭窮。窮固自好。非有道者。臨終有此言乎。魏莊渠先生則云。大丈夫凍死則凍死。餓死則餓死。方能堂堂立天地間。若開口告人貧。要人憐我。以小惠啣味我。得毋爲賤丈夫乎。數語可作傷寒一大表劑。讀之若不發汗。病必不起。余又最服本朝張貞生先生。去官後。隱廬陵王山學道。刻苦非人所及。著茅屋。隨劄一卷。語多透關。記其一條云。王山筭類多苦。烹之亦有真味。又產苦菜。浸之一宿。飢來啖之。頗勝園蔬。然其苦多爲人所棄。人生營營無日不苦。日在苦中。安之若飴。至飲食細故。非刀俎物命。便不可下箸。安得攜此二苦味。令飽嘗耶。此是先生現前指點教人。學道當多喫些苦趣。乃能有以自立。則不但貧者當從此處做工夫。使心中泰然。就令席豐履厚。亦須從這裏過。方爲得力。方有安頓身心處。朱子門人李敬子先生曰。仕宦至卿相。不可失寒素體。夫子無入而不自得者。正以磨挫驕奢。不至居移氣。養移體耳。因又念及湯文正公撫吳時。輿墊僅一破絮被。擡過市中。絮從輿下碎落。見者爲之泣下。公子在署。私食一雞。切責之。謂恐無福消受。陸清獻公官甯壽日。公子由嘉興往省。陸路必草屨步行。

到署。衣履皆穿粗布。出入並無輿焉。二公爲本朝理學名臣。學問經濟。彪炳宇宙。此介介小節。詎足爲二公重。要其真實本領。皆由刻苦始基。故居官不忘本色。教子嚴之如是。兒輩今日爲士。正要就貧境中受多番磨鍊。動心忍性。增益不能。爲他日致身之地。此關若打得過。一味隨分進學。貧可也。富貴可也。患難亦可也。富貴不淫。貧賤樂。男兒到此是英雄。古今人臻斯境者。皆經百年挫折。煅煉而成。平日須將第一等人。刻刻周匝。在方寸中。此志便不致半途頽喪。錄示先儒言行數則。老夫固篤信。歷試經四十餘年。似覺微有實效者。故牽連筆之。以爲汝勗。克己工夫。先克去憂貧之心。始能有得力處。亦便是用力處。康節云。雖貧無害。日高眠。非實經歷人。不知此味也。兒輩速宜尋出此味。涵養心性。汝母亦老。飲食起居。時時照顧。夕陽無限好。只是近黃昏。爲人子者。不可不三復此詩。

示芝蓀五

翁今年又八十逾四矣。看窗前綠滿。簾外香飄。鳥婉轉而鳴晴。燕呢喃而話舊。山青水碧。關情盡是文章。雲淡風輕。到眼無非生意。學者涵養日新之機。如是如是。惜翁景逼桑榆。精力衰憊。身在寸陰分陰中。不能久與後生爭此無邊光。

景。回憶二十年前。辱侍昌江門下。霽月光風。時聞鐸韻。天空海闊。默領穉香。此景依依如昨。迄於今。春光去矣。哲人往矣。海山冥冥。海水泠泠。抱琴泣下。何處更覓成連哉。自維一生學無長進。只爲因循二字。錯過光陰。若早能專心致志。于聖經賢傳中。知得一分。便行得一步。此二十年來。吾過或可寡矣。歲月如梭。依然故我。負親負師。思之曷勝痛悼。汝警敏勝余。勿再效余老人也。往者已過。來者可追。廬山大因緣。再若蹉跎。墮落污下。縱悔何及。書至此。心淚紛注毫端。汝知老人意否乎。人生一日。當時刻厲修。爲一日求盡爲人職分。思盡爲人道。理。天地之心。無日不愛人。此身閒過一日。便爲得罪天地。父母之心。無日不愛子。此身閒過一日。便爲得罪父母。得罪於天地。父母。豈作得一個人算。自今以往。切不可任此頑軀架子。空過了時日。讀書窮理。應事接物。當刻刻提醒此心。照管見有一毫病痛。立即拔去根株。鄧定宇先生病革。謂弟子曰。萬事萬念皆善。都不算。只一事一念不善。便算。此爲專察已過功夫。不爾。則已無由克也。更書呂新吾先生喜來時一檢點。怒來時一檢點。怠惰時一檢點。放肆時一檢點。四語置之座右。一見已過。必自痛責痛改。至誠者無息。在夢寐間。亦是收拾精神。靜中檢點。况白晝之行止語默。明明自我作主。可容一息間斷乎。昨聞大軍

捷報。予謂破境外之賊難。破心中之賊更難。自家立志堅定。便如將軍登壇。慷慨警師。出必掃滅醜類。閒時軍令嚴肅。堅守營壘。靜以鎮之。毋許兵卒妄動。使外賊無出。乘虛而入。省察如此嚴密。則私毫之己必克。且能復我虛靈不昧之本體。此詎不足爲烈烈大丈夫真男子哉。詎非天地間之豐功偉業哉。水窮山盡疑無路。柳暗花明又一村。爾我共勉而已。真西山先生不云乎。此身不向今生度。更待何時度此身。汝凜之勉之。

示芝蓀六

汝在芸槎明府署中。課渠文郎輩。須先教以爲人。此終身受用之基。蒙以養正之謂何。詎誇咕嗶窮年。口講指畫。遂足爲人師耶。凡初學入門者。宜先授以椒山先生家訓。月川先生家訓。念臺先生人譜。陳文恭公養正遺規。及朱子小學。學的近思錄諸書。時與講解。使專心致志於正途。以知立志立節。其次者。授以彭凝祉先生元宰必讀書。及功過格彙纂。亦可養其本心。後生知向此路做人。一生受用不盡。古文選本。宜取有關學問經濟者。以真西山先生正宗。蔡文勤公雅正爲上。儲選次之。茅選又次之。詞章一道。必由根柢深厚。有真學問。楮墨間必有真性情。制藝代聖賢立言。最足覘人學養。久之賢否。約略可決。薄視時

文亦未必是。濬源培根。要不外多讀正書。有志嚮道。全藉古人嘉言懿行。用以觸目警心。每日從容默會。則天性之良。不知不覺。自然感發興起。讀書是學何事。總期此身少有成就而已。淑己如是。淑人亦如是。此亦陰隲之大者。若負斯言。必至早壞心術。終愧科名。何以當此一箇士字。又何以當此一箇師字。汝其勗之。

示芝蓀七

應事接物。心氣和平。固是涵養功效。爲處世之法。極和平中。須存一點剛氣。強毅自立。面軟耳柔。勢必爲人所惑。不至於寡廉鮮恥。敗檢喪心不止。吾輩守身。當如婦女守節。步步要謹慎自持。於交際酬酢間。公私義利。辨別尤宜嚴密。不可私毫苟且。平日居心清介。已不干人以私。人必不敢以私干己。凡遇親友請託。事涉關說者。甯可情面上薄些。勿要開了此端。招惹是非。自玷清白。彭南昫先生家居時。其師杜公喬林。切切以此爲戒。陸清獻公示兒書云。汝事事須謹慎。不可輕聽人言。將書帖到府縣中。親友不知利害者多。須要自家有主意。此士紳針砭也。兒輩宜書之座右。時時自檢身心。林少穆同年。曾爲予言其鄉孟瓶菴前輩。終養家居。一介不苟。義所不可。毫髮無所徇。平居非公事。無片刺入。

郡邑庭。閩撫某公。欲聘主講。三往訪。皆以疾辭。最後文廟行香。偕司道徒步及門。始得一見。亦主講。鼇峯時。爲諸大府所引重。臬使某公。嘗親受業於門。會有富人繫獄。求能解者。願奉鑑十萬。惟所用。欲介人通於先生。莫敢爲言者。一日。諸弟子會先生所。談讌甚歡洽。酒半。或微露其意。先生不答。徐起立堂前。搔首視青天曰。吾日來有不肖行爲。諸君所窺耶。何斯言之至吾耳也。四座悚然。先生之介如此。予深心敬服。恨生晚。不獲親灸典型。然於義利關頭。每念前賢卓詣。用自警惕。汝僥倖一領鄉薦。胸中勿以科名沾沾自喜。須知丈夫榮辱。全不在此。切忌濫交討好。只望奉聖到頭。達可也。窮可也。一志向上。隔斷俗流。庶不濡染卑污氣習。此身可自立於天地間。人生一飲一啄。皆有定分。分外鑽營。必遭天罰。心術一壞。衣冠不如皂隸矣。祖先數世艱難。培積厚德。至吾身而始發。今又福蔭汝躬。培當敦品淑身。以承世德。以報先人。事親者。能刻刻以守身爲念。便是養志孝子。汝不負予厚望。予心方慰。家事百凡掣肘。此處亦可長學問。正要汝涉歷一番。深知世味。鍊達人情。寧靜淡泊四字功夫。當從此處着力。切勿心焦。厚菴師遺訓。不可一刻忘心。隨事隨時。體認天理。庶幾性得所養。學問亦粗有成就。念之念之。

示四兒蕙蓀

四香老人筆示蕙蓀知悉。聞汝倖遊泮水。予爲之喜。予又爲之懼。宋范文正公。當秀才時。便以天下爲己任。此等抱負。本非凡流所可幾。然既入學宮。便當加植品力學。變化氣質。不失讀書人面目。成一個慥慥之君子。或爲藹藹之吉人。庶可無負爲士。亦可深慰親心。汝素犯狂傲二字之病。諺云。太剛必折。曲禮云。傲不可長。汝宜醞釀詩書之厚澤。以培之化之。則一生受用不盡矣。聞汝喜廣交。然交宜擇而不宜濫。凜之慎之。念汝目疾時發。切忌過飲。火酒尤不可入唇。予曾有十六字箴。寄示汝三兄。芝蓀云。父老母病。如何放飲。不望前程也。願性命。汝同牢記牢記。試竣早歸爲望。不多囑。

示長孫兆槐

邇來所用何功。動靜語默間。曾自細心檢點否。見得自家病痛否。平日病痛。今已用力克治否。老翁念甚。汝資質不鈍。望與阿叔時時鼓舞志氣。向上一途。共爲聖賢路上人。讀書不是徒事記誦詞章。須講究道理。檢束身心。能將前言往行。一一遵循省察。躬行實踐。方是真讀書人。若恃博學高才。爲富貴功名釣餌。做人一塗。全不專心致志。反視爲沒要緊。此卽末流俗學。王文成公所謂記誦

之廣。適以長其傲也。知識之多。適以行其惡也。聞見之博。適以肆其辯也。詞章之富。適以飾其僞也。老翁教人讀書。嘗謂當熟讀深思。體會聖賢之心。因認出自己本心。於日用倫常中。踏真實地。用真實功。身體力行。以求復其天性。讀書妙訣。如是而已。依此話頭去做工夫。定然走入正經路上。所造不可限量。汝曹切勿以俗人自待。先立一箇願學聖賢的志氣。以行修名立爲心。戒慎恐懼。必不爲俗習轉移。平日工夫。當大半用在經史。真西山文章正宗。亦當全部熟讀。讀書求速。是學者一大病痛。只貴循序有恆。不貴速。亦不能速也。功無間斷。所得雖少。日新月盛。自有漸進之機。欲速卽非潦草無成。便爲鹵莽滅裂。弊同歸於無益。時文只將百十首。極佳者。揣摩規矩格式。不必全副精神。用力於此。根柢深厚。自然氣盛言宜。時文小技。不患不工也。昔人謂科名一途。第一須積陰功。須知積陰功三字。不是外驚虛名。不是借求速效。虛名則反以折福。速效則反以便私。人可瞞。神明不可瞞也。登鄉會榜者。必先名標天榜。試問標天榜之士。甄錄其文藝乎。甄錄其德行乎。可憬然悟矣。自後遇有機緣。可行方便處。切須竭力盡心爲之。又必先有一片真切慈祥之意。曲折以行陰德耳。若要人知。則不得爲之陰德矣。功名自有定而無定。在乎人之立志何如。吾家門祚日衰。

全仗賢子孫努力做好人。卽不能名列蕊榜。而安分守己。勤積德以回春氣。善有餘慶。勝于倖叨一第者良多。昔人謂出一個喪元氣進士。不如得一個本分秀才。貧賤立品。富貴立身。方是天地間真男子。汝曹須時佩此語。功名得之太早。最易損少年志氣。此次秋闈。去與不去。自權之。老夫不多囑也。今秋十分豐稔。可喜又大可懼。此中盈虛消長之理。汝等恐未必知。翁有一詩。可讀與祖母聽之。得呵呵處且呵呵。莫再牽纏在網羅。掃盡浮雲明月現。依然還我老頭陀。

● 觀音起信編

每册實價七分

外寄費加

● 觀音法要

每册實價七分

外寄費加

附友生類尺牘

與李友曉蓮名承福錢塘人

別曉蓮久矣。豐溪越水。浩渺烟霞。霽月光風。想瞻耒耜。回憶高軒。把臂茗椀。酒尊間。與諸同人。暢話蘭修。依依如昨日事。何時鼓棹武林。重聯舊雨。續締此大善因緣也。引領傾心。時以曉蓮善根之厚。善量之宏。在兩浙多士中。當爲首屈一指。想年來學粹功深。尊著又高盈尺許。異日梨棗新鐫。麻沙廣佈。定與同善錄全書。並行海內。墨瀋筆花。悉化祥雲甘露。遍洒大千。拯救蒼生於火宅。范文正公爲秀才時。便以天下爲己任。曉蓮志在與人同善。願世永康。視文正亦何多讓。僕課士餘閒。搜尋故紙。固亦勸善情殷。清夜捫心。每多抱疚。不覺汗流浹背。所差自慰者。衰齡幸遇良師。多承啓迪。稍知嚮學之方。不至終於迷復耳。祇是聞道已晚。景迫桑榆。雖欲自奮其精神。難期天假以歲月。髦將及而學問無成。自顧形影。日益慚赧。豈堪爲知己告耶。惟望二三益友。時錫箴規。匡我不逮。則感戢奚似。篠舲慕陶。茗生諸君。近詣何如。不盡願言。臨楮神溯。

與陳生廷奏名懷續浮梁人

兩讀來翰。懇到諄切。正如午夜霜鐘。發人深省。往復誦思。竟日不忍釋手。感甚快甚。賢復自疑。書詞直質。弟之於師。進言或不當如是。然非真心見愛。疇昔忠誠開導。有以助我啓予者。責善爲朋友之道。不直則道不見也。如必拘牽形迹。各以套語諛詞。互相標榜。是師生相率而僞。終身不聞己過。終身不獲直諒之益。相勸相規之謂何。僕於此益見賢厚誼深情。卓然自立於流俗之外。而並不以俗學待僕矣。自惟譎陋庸材。幸得真師陶鑄。又有二三益友。砥礪糾繩。今雖衰老不堪。亦當起躍奮迅。冀學業有成就。無負君父師友。是則區區微忱。旦夕所辦。香自矢者。厚菴師殫一生精力。上紹先儒。下開來學。時以端學術。正人心爲己任。不朽盛業。當世復有幾人。語錄數十卷。多發前人所未發。信今傳後。夫復奚疑。顧見道愈真。知音彌少。及門中確守師說。躬行實踐者。以嚴習之李碧山諸君爲最。而如吾賢信道之篤。執德之堅。則亦不可多得。同人志氣。使一一皆如吾賢。昌江性學之薪傳。庶可不墜。窺吾賢意思。急欲以此學振聵啓瞶。挽回風氣於目前。然自學術不明。人心陷溺久矣。一人於此。獨矯時好。驟欲洗其習染。使盡更而易之。聞者鮮不目爲迂爲妄。爲病狂喪心。旣格於勢。而吾行無與。吾倡無從。惟修身以俟之。盡誠以感之而已。卽有一二樂聞吾說者。亦必隨

機迎導。俟其感發興起而後可。譬如治病。不先祛散外邪。猝投補劑。非惟不能去病。轉增輕而爲重。是以君子雅意成人。貴寬柔以教。亦貴循循善誘。有急於見功之心。一齊衆楚。未必能勝。不勝而必求其勝。則是己非人。爭門角戶之弊。皆從此起。王文成公云。凡今學術之不明。使後學無所適從。徒以致人之多言者。皆吾黨自相求勝之罪也。僕敬佩斯語。恐亦有此病根。不敢不痛自克治。直言之以告吾賢。不識尊意以爲何如。倘有心得。當卽寄示。翹企翹企。

□與周生敬承名正欽星子人

帶水同岑。闕然一面。聞聲相思。勞我實多。遙維蕉室蘭修。必與時俱進。舊蓄疑義。想當豁然有所省發。何緣把晤劇談。抒陳心得。互相質證爲快。僕意養性二字。昌江先生已將爲學大主腦。顯然揭出。下學上達。俱不離此。人稟陰陽五行之氣以生。天卽命以太極之理。所謂性也。氣稟清濁各殊。性則人人同具。無少欠缺。無少差別。聖凡之所以迥異者。只此性能完不能完之分。要做天地間堂堂正正真男子。斷不可隨流俗轉移。必奉聖人爲準則。而尤必盡養性實功夫。求無愧於所奉。讀古人書。見有合於聖賢者。一言一行。皆反求諸身而實踐之。存心處事。待人接物。時時提起天命在方寸間。省察克治。不容一念縱弛。一息

間斷。此實功也。聖賢着已工夫。只是步步鞭辟入裏。凡所爲博文約禮。臨深履薄。戒愼恐懼。無非求全固有之本性。而時存養於宥密。久之睟面盎背。暢於四肢。而發爲事業。盡人盡物。至於蟠天塞地。其性量之擴充不窮。皆本於性體之得其所養。然養亦非專主在靜。當動之時。敬畏尤爲吃緊。李延平教人靜中觀喜怒哀樂。未發氣象。又云。反覆推尋以究斯理。是靜不離乎動。故朱子謂居敬以立其本。窮理以致其知。返躬以踐其實。是動必根於靜。動靜交養。性功乃有實際。僕近時微覺見識稍長。終不敢恃以自信。未知敬承謂何如也。語錄聞已梓竣。喜甚。將來性學昌明。李碧翁實爲先路之導。其有功於世道人心。豈淺鮮哉。厚庵師墓誌銘。草草詮次。深愧學識淺疎。文章荒蕪。不足以傳吾師。錄寄諸同志。希代細心商酌。臨穎馳結。不盡所云。

與季生瑞三名景台浦城人

別我賢已久。甚切遙思。前刷印桂宮梯。闡化編。各數十部。廣佈分送。足見善與人同。與僕鄙懷相契深矣。我賢曾憶僕至珂里而贈句乎。拙作云。此行逢二妙。兼贈謝生鑿。何嗜老夫吟。能味苦寒語。罕同冰雪心。無如關山間隔。每念伊人。時縈夢轂。頃承瑤章遠來。具悉殷拳之意。兼眎鴻製。文明以健。有骨有風。蒼潔處。

直欲力追古作者。與突。循諷周環。殊爲忻躍。謬加點注。不欲孤我賢。惠教至意。遂不覺僭率至此。詞章之學。向者亦嘗耗費日力。少年詩賦。宜奉館閣爲式。要以力追唐賢而上。勿至俗下。依阿澆淪。如士衡所訶。我賢以絕異之資。含咀英華。自優爲之。辱問舉業。曾聞汪瑟庵師云。場屋文字。甯多毋少。甯有餘。毋不足。僕心誌不敢忘。來藝歛才情於矩矱之中。未免過於峻削。鄙意再加充滿。得一氣噴薄霞蔚。雲蒸八字氣象。則當眉目羣英。秋風彈指。定遇賞音也。場前酬應。一切宜謝絕。卽作字裁詩。亦宜稍節。以養精靜氣。然我賢品學兼遂。醞釀深醇。且精於岐黃。一切起居。自知珍攝。原不俟豐干多饒舌也。而僕之原望於我賢者。則更有進。貴邑眞西山夫子。此乃千古不朽之完人。方能著千古不朽之遺書。先將文章正宗全部。細心熟讀體會。誦其書以知其人。而善心怦怦動矣。再精擇古哲之嘉言懿行。卓然可傳不朽者。觸目警心。以堅嚮往之志。而善心愈怦怦動矣。根柢深則枝葉自茂。科第云乎哉。書此以爲我賢芻蕘一獻。

■與林少穆同年書名則徐侯官人

楚北節署一別。彈指又一週星矣。回首吳門下榻時。邀月滄浪。花前餉玉蘭之餅。流露灑灑。座中飛鹿角之觴。飽德銘心。情事宛昨。閣下道體多佳。潭第集社。

忠藎報國。海隅仰凍水之名。慈祥救民。江左切東山之望。遙企喬雲。曷勝慶忭。謙犬馬齒七十有五。而閣下駸駸望七矣。同譜二百四十餘人。存者寥寥。滿目山陽笛裏人。可嘆也。樛櫟衰朽。髦猶舌耕。今歲缺館。戢影杜門而已。去鵬欣聞行旌過鉛。佇候半月。不獲展謁。然神馳左右。時耿耿也。曾浼李筠垞使君代呈近刻拙詩八卷。未知收否。返權匆匆。未及肅函。訊候爲歉。謙年六十三。始從鄧厚菴師遊。自後不復搦管作詩。但味道之志空殷。噉名之念未化。吟飛卿枉拋心力作詞人句。愧悚何如。師係饒州浮梁明經。授徒家鄉。其啓迪後學。以奉至聖爲依歸。以養性天爲先務。黜華崇實。身體力行。統攝釋老。貫通天人。平生著述等身。佚者殆半。論創而理常。言近而旨遠。可以破拘墟之識。未易窺淵深之蘊。慧根上乘。自領略之。無待豐干饒舌也。或疑漢宋先儒錄中。語多微詞。不知是編爲萬古闡心傳之正。非爲一時爭臆見之私。又疑牽引空門。似涉寂滅。未免援墨入儒。是未知天無二道。三教同源。矧我皇朝。崇聖重儒。直省府州縣。各建文廟。春秋奉祀。有常典。而僧綱道會。不廢厥司。伏讀聖祖仁皇帝聖製五燈全書序。世祖憲皇帝聖製語錄序。高宗純皇帝聖製貫休極樂圖贊。仁宗睿皇帝聖製舍衛城瞻禮詩。大悲閣瞻禮詩。先帝聖製趙文敏書中峯和尚册跋。列

聖天章。於燦萬古。爲下不倍。夫復奚疑。顧欲移習俗。先正人心。尤先端學術。砥柱中流。昌明大道。以黼黻我國家。舍閣下諸公奚屬哉。鄧師往矣。門下士莫輯殘編。次第梓其稿本。恐其間或有妨礙。未敢冒昧流傳。特命及門陳張二生。賈呈一函。跋涉千里。恭請俯賜鑒定。可否借重燕許手筆。題籤卷首。更蒙賜序。幽明感甚。雲泥分隔。頻疏芳訊。尙冀原宥。後樂亭外。曾沾紅稻之香。小沼石旁。偕坐綠篔之影。閣下亦念及江湖舊雨乎。謹泐片函。言不盡意。統惟心照。爲國珍重。謙再頓首。

與徐芷坪明府書

德星俯照。光寵良多。黃童白叟。咸切攀轅。謙桑榆遇蹇。任運省愆。辱手示雅愛逾格。惠教殷拳。以媿以銘。承諭香楮下錫。更不敢當。叩謝而已。竊有芻獻。伏冀垂鑒。現屆青黃不接之候。民心易動。難靜。惟仰籲父母官長。示勸城內及五十。一都富戶。開倉平糶。酌定章程。俾嗷嗷者共沾實惠。庶貧窶身家。不爲口腹所累。農工各安其業。搶奪自息。訟獄漸清。救荒善策。雖不全恃在此。此亦眉睫之急籌也。區區管見。未敢造次瀆陳。敬煩婉達新令。妥速施行。實爲德便。然豐干饒舌。想久在紆籌洞鑒中矣。餘容晤啓。肅此請安。諸惟霽照不盡。

跋

是編乃徐君祖禮。從太史豐谿瓣香集中摘錄者。徐君喜太史家書。恆勗人體會聖賢之心。因認出自己本心。于日用倫常中。踏真實地。用真實功。身體力行。以求復其天性。即家人父子之相告語。亦且詔以動靜語默。要細心檢點。鼓舞心志。師聖賢克己功夫。步步鞭辟入裏。言近指遠。足以模楷後進。爰抄單本。用以自儆。近復應各方請求。錄賦手民。藉以廣播。雖墨瀋筆花。流傳無幾。而吉光片羽。已足垂範天壤。徐君與人為善之心。于此亦可見矣。慶忭之餘。謹系以詩云。真言切實度南鍼。道在倫常豈外尋。好似霜鐘敲午夜。餘音嘹唳發人深。丙子新秋。玉湖叔榮林熙恩謹跋。

◎附錄四香艸堂楹聯

門祚衰微思舊德 清貧亦可行方便 視善語善行善
 羹牆悟對緬前修 厚福始能學吃虧 身齋口齋心齋

◎附徐太史座右銘二章

翳小傷目 棘小傷足 疥小傷肉
 近狼噬狗 近火焚藪 近葛敗酒

◎輯纂章建王人真樞玉◎

歷代神仙史

歷代神仙史一書。乃玉樞真人王建章所編。為道學中之有名巨著。內容分作八卷。自晉。而五代。而唐。而後五代。而宋。而元。而明。復冠古仙列傳於首。較之社會上其他古今小說之趣向。與平事實。作用。情節。宗旨。固不可同日而語也。豈但普通人均宜人手一卷。以資參透世情。即學佛人亦不可不閱是書。以作道德學問之根底。而志在修養者。更不可不閱之要書也。每部實價三角。外埠郵費五分。

◎校重史女清筠嚴蘇江◎

廣列女傳

卷二十一	卷二十	卷十九	卷十八	卷十七	卷十六	卷十五	卷十四	卷十三	卷十二	卷十一	卷十	卷九	卷八	卷七	卷六	卷五	卷四	卷三	卷二	卷一
皇后類上	皇后類下	王妃類上	王妃類下	公主類	母儀類上	母儀類下	女範類上	女範類中	女範類下	節婦類上	節婦類下	烈婦類一	烈婦類二	烈婦類三	烈婦類四	貞女類	孝女類	奇女類	附錄	


◎送奉費寄埠外◎ 角四價特部每◎

所 行 發

◎局書善宏路同大門廈◎

◎局書善宏路園麗東海上◎

◎局書德道路山嵩路飛霞海上◎



●輯纂章建王人真樞玉●

歷代神仙史

歷代神仙史一書。乃玉樞真人王建章所編。為道學中之有名巨著。內容分作八卷。自晉。而五代。而唐。而後五代。而宋。而元。而明。復冠古仙列傳於首。較之社會上其他古今小說之趣向。與乎事實。作用。情節。宗旨。固不可同日而語也。豈但普通人均宜人手一卷。以資參透世情。即學佛人亦不可不閱是書。以作道德學問之根底。而志在修養者。更不可不閱之要書也。每部特價三角。外埠郵費五分。

●校重史女清筠嚴蘇江●

廣列女傳

卷二十	卷十九	卷十八	卷十七	卷十六	卷十五	卷十四	卷十三	卷十二	卷十一	卷十	卷九	卷八	卷七	卷六	卷五	卷四	卷三	卷二	卷一
附錄	奇女類	孝女類	貞女類	烈婦類四	烈婦類三	烈婦類二	烈婦類一	節婦類下	節婦類上	女範類下	女範類中	女範類上	母儀類下	母儀類上	公主類	王妃類下	王妃類上	皇后類下	皇后類上

●送奉費寄埠外●角四價特部每●


發行所

上海廈門海大震市同飛東路麗一嵩園○山路五路宏宏道善善德書書局書書局

52
282944

82

282945



中華民國廿五年三月拾五日收到